

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK  
Privredni savjet općine Zavidovići



Broj: 02-05-1818/17-AP-28

Datum: 13.11.2017. godine

Na osnovu 2. sjednice Privrednog savjeta općin Zavidovići, koja je održana 13.11.2017. godine u velikoj sali zgrade Općine Zavidovići sa početkom u 11:00 sati, sastavljam

#### ZAPISNIK

Na sjednici Privrednog savjeta prisutni su: Hašim Mujanović, Džeraldina Miličević, Aldin Šušić, Sabahudin Horozović, Ibrahim Mujanović, Nakib Vuković, Halil Muharemović, Ilić Slađan, Mrahorović Kemal, Enesa Bukvić, Kemo Terzić, Adnan Bajraktarević, Azem Čatić i Huskanović Senad.

Na sjednici privrednog savjeta nisu prisutni: Remzo Sinanović, Aldin Žilić, Ernes Đelmić i Ibro Hadžić.

Osali prisutni: Vojislav Ivanović stručni konsultant, Admir Logo koordinator tehničkog tajništva, Starčević Elvir ispred „Radio Zavidovići 1503“.

Stručni saradnici Privrednog savjeta općine Zavidovići: Mirsad Dedić, Amira Šibonjić Tima za implementaciju Programa BFC SEE certifikacije Općine Zavidovići: Nermin Čahtarević, Izet Bašić, i Almir Mustafić, Vuković Dženana, Asima Merdanović, Nermin Džaferović, Amela Mačak ispred JKP „Radnik“ i Amira Tadić.

Prisutno 13 članova privrednog savjeta od ukupno 15 članova, od čega 7 članova iz ne javnog sektora.

Zapisnik će voditi Huskanović Senad, tehnički sekretara Privrednog savjeta općine Zavidovići.

Predsjednik Privrednog savjeta Općinski načelnik Hašim Mujanović predlaže sljedeći dnevni red:

1. Presentacija Tehničkog sekretarijat BFC-a i Organizacije CRS povodom zvaničnog početka rada na implementaciji certifikacije BFC SEE u radu Općine Zavidovići,
2. Razno (Prijedlog rješenja o izmjeni i dopuni rješenja o osnovanju Privrednog savjeta općine Zavidovići).

Predsjednik Privrednog savjeta stavlja dnevni red na diskusiju i poziva članove Privrednog savjeta da predlože izmjenu ili dopunu predloženog dnevnog reda.

Diskusija: Diskusije nije bilo po ovoj tački dnevnog reda.

Prijedlozi za dopunu ili izmjenu dnevnog reda nijne bilo.

Nakon zaključivanja rasprave po prijedlogu dnevnog reda, isti usvojen jednoglasno.

Nakon usvajanja dnevnog reda prelazi se na rad po istom.

Ad.1. Presentacija Tehničkog sekretarijat BFC-a i Organizacije CRS povodom zvaničnog početka rada na implementaciji certifikacije BFC SEE u radu Općine Zavidovići

Ad.1.1 Uvod u današnju sjednicu dao je **Predsjednik Privrednog savjeta općine Zavidovići , načelnik Općine Hašim Mujanović** koji je ukratko pojasnio svrhu, ciljeve i zadatke koji slijede na implementaciji certifikacije BFC SEE u radu Općine Zavidovići kao i značaj dobijanja BFC sertifikata u promociji sopstvenih investicionih potencijala i privlačenja potencijalnih investitora.

Ad.1.2 Nakon **Predsjednik Privrednog savjeta općine Zavidovići , načelnik Općine Hašim Mujanović prvi se prisutnima obratio Vojislav Ivanović iz RAZ agencije Sarajevo** koji je u svom izlaganju podsjetio na dosadašnju praksu uvođenja certifikacije BFC SEE koji se provodi u pet zemalja: Srbiji, Hrvatskoj, Makedoniji, Crnoj Gori i Hercegovini, od čega je u BiH certifikovano 18 lokanih zajednica. U nastavku je pojasnio njihovu ulogu u zajedničkom radu sa Općinskim timom pri čemu se njihova uloga sastoji iz dva dijela , odnosno tehničke i finansijske pomoći lokalnim zajednicam. Takođe je istaknuto da u nednih godinu dana zajedničkim radom trebaju ispuniti uslovi iz deset kriterija-oblasti kako bi se uspješno pristupilo certifikovanj naše općine. O kriterijima nije dužio jer su poznati i imamo godinu dana da se detaljno o njima upoznamo. Na kraju je istakao značaj Privrednog savjeta općine Zavidovići i veliku ulogu u saradnji javnog i privatnog sektora. Na kraju svog prvog izlaganja zahvalio se na pažnji i uputio poziv prisutnima ako ima kavih pitanja tu su na raspolaganju.

Ad.1.3. Nakon toga prisutnima se obratio **Admir Logo, Koordinator tehničkog tajništva BFC SEE** koji se provodi na prostoru FBiH, koji se zahvalio na pozivu i izrazio zadovoljstvo da se ovako upoznamo sa procesom implementacije certifikacije BFC SEE na našoj općini , obzirom da je općina Zavidovići i zvanično prije par dana krenula u proces. Nakon toga je ukratko izložio dosadašnju hronologiju uvođenja certifikacije BFC SEE u regiji, prva je uspješno započela 2007.godine Srbija da bi od 2012.godine prošireno na zemlje u okruženju Hrvatsku, Bosnu i Hercegovinu, Makedoniju i Crnu Goru. Proces se stalno unapređuje i trenutno u Federaciji Bosne i Hercegovine imamo 11 certifikovanih općina. Informiso je da je prije par mjeseci izrađena nova edicija BFC standarda , poboljšana koja ima 10 kriterija i 65 podkriterija, pri čemu je napomenuo da posebnu pažnju treba usmjeriti na eliminacione podkriterije bez kojih nikako ne može doći Certifikat iako se ispuni 75 % svih kriterija . Napomenuo je da iz dosadašnjih iskustava iz 11 certifikovanih općina i 20 koji su bili u ovom procesu važnost uloge Općinskog načelnika i Tima koji radi certifikaciju , i na samom početku da se radi na na eliminacionim podkriterijima jer se ostali podkriteriji mogu riješiti i tokom godine. Sam proces je unaprijeđen i radi se putem softvera , nema slanja klasične dokumentacije kao što se do sada radilo, idu elektronski dokumenri na softver koji se pregledavaju , prave izvještaji koji su općini na raspolaganju. Proces je predviđeno da traje 10-12 mjeseci, taj period je počeo da teče i u prvom periodu radi se na tehničkim detaljima , potpisivanj ugovora sa evaluatorima, ugovora sa općinama i ostalih tehničkih poslova. Početkom decembra bit će pušten softer, početka februara već se planiraju posjete evaluatora sa izvještajima, nakon čega slijedi preliminararni izvještaj, nakon koga 5 mjeseci 5 plus 1 , mogućnost dostave dodatne dokumentacije , na osnovu preporuke iz preliminararnog izvještaja. Bitno je u toku godine ispuniti 50% kriterija , 75% podkriterija i 100% eliminacione kriterije. Tehnički sekretarijat je u potpunosti na raspolaganju za svu tehničku pomoć. Saradnja sa općinama koje su certifikovane svih ovig godima nije prestala. U posljedne vrijeme jedan od glavnih preduslova koje traže strane međunarodne organizacije i donatori je da su općine BFC certifikovane, pa je to jedan od motiva za sve koji rade na procesu imlementacije. U nastavku možemo proći kroz elinacione podkriterije da vidimo šta je najzahtjevnije u mjesecima koji dolaze pred nama i izrazio želju za uspješnom realizacijom projekta.

Ad.1.4. **Predsjednik Privrednog savjeta općine Zavidovići , načelnik Općine Hašim Mujanović** je istakao da je općina i krenula u projekat u cilju stvaranja preduslova za povoljnim poslovnim okruženjem, a u cilju privlačenja stranih investicije i podstaknu razvoj lokalne ekonomije. Radi se o procesu koji omogućava ocjenu kvaliteta lokalnih zajednica u pogledu potencijala koje nude budućim investitorima u svim aspektima koji čine lokalni ekonomski razvoj. Takođe je istakao da se radi o procesu koji podrazumijeva unapređenje administrativnih procedura, jačanje transparentnosti i pribavljanje svih dokumenata i podataka neophodnih privrednicima i potencijalnim ulagačima u planiranju poslovanja i donošenju investicionih odluka. Takođe je istakao da možemo, a sada je siguran da moramo okončati proces certifikacije povoljnog poslovnog okruženja BFC , stim u vezi kao lokalna samouprava već su poduzete neke mjere i ispunili zahtjeve kao što je prostorni plan, strategija integrisanog razvoja , konstituisanje Privrednog savjeta, a u drugom dijelu ćemo čuti koje još mjere , a koje ne smatramo manje bitnim, trebamo ispuniti. Na ovaj način šaljemo pozitivnu sliku našeg grada i želimo da se vratimo na mjesto koje ova općina zaslužuje. Načelnik je zatim kao glavnog nosioca, kordinatora imlementacije certifikacije BFC naveo pom. Načelnika Džeraldinu Miličević i predložio da ona prezentuje dosadašnje aktivnosti , šta je urađeno i šta predstoji.

Ad.1.5. **Džeraldina Miličević pom. Opć. Načelnika** ukratko je izvjestila o dasadašnjim aktivnostima i završili smo pripreme za pokretanje procesa , formiran je tim , u čijem sastavu su i privred ici koji imaju dodira sa svim ovim obalstima koji su predmet dostavljanja dokumentacije, Nakon toga je bila i edukacija koju je organizovao Tehnički sekretarijat, i nakon današnjeg sastanka slijedi zajednički sastanak gdje ćemo pojasniti detalje i dogovoriti naredne korake, U ovom periodu su još uvijek pripreme aktivnosti , treba napomeniti da smo dobili smo korisničku nalog i šifru za platformu-softver, gdje možemo dobiti najosnovnije informacije. Takođe je istakla da mi ne treba da gledamo na BFC certifikat kao na još jedan certifikat koji će biti da se hvalimo i slikamo , suština je da se pristupi jednom vrlo ozbiljnom i kompleksnom procesu, a naročito u reorganizaciji rada administracije u općini Zavidovići u smislu da se ona još više približi krajnjim korisnicima , na tom planu se nešto radilo tokom i proteklih godina, tokom uvođenja i imlemetacije ISO standarda . ovo je još konkretnije i još razrađenije .

Na kraju je istakla da će nekon ovog biti nemoguće da se ne primjeti kvalitet i promjena usluga koju općina pruža, odnosno da se ne primjeti jedan pozitivan pomak, jar kad se u općini poslože stvari na dobar način i odgovor okruženja se mora očekivat u smislu privlačenja investicija i samog napretka i poboljšanja. Za sada toliko a nakon aktiviranja platforme idu i konkretni zadaci , dostavljanja dokaza .

Ad.1.6. Ponovo je riječ uzeo **Admir Logo, Koordinator tehničkog tajništva BFC SEE** i predočio kojim putem bi trebali ići i rokove, jer je bilo općina koje nisu uspješno prošle kroz proces certifikacije , a da je interesantno da tu nije bilo nekih posebnih primjedbi od strane općina-gradova. Što se tiče planiranih aktivnosti u narednom kvartalu , svi pripremni radovi sa Općinom su završeni ostalo je samo sa naše strane potpisivanje ugovora sa evuatorima i još neke pripreme, Općina ima mjesec dana, dobila je nalog i može se pogledat softver, prikupljati dokumentaciju a već početkom decembra krenut će postavljanje dokumentacije na platformu i imate dva mjeseca do kraja januara, kada evuatori počinju da finaliziraju svoj evolucioni izvještaj i dolaze u dnodnevnju posjetu općini i to će biti jedina njihova posjeta općinskoj administraciji. Do kraja februara mjeseca možemo očekivat prvi preminirani izvještaj koji će otprilike dati neku sliku gdje smo trenutno, gdje se nalazimo i naravno dati preporuke za naredne korake

Ad.1.7. **Vojislav Ivanović iz RAZ agencije Sarajevo** napomenuo da je važnost certifikata 3 godine , znači ovaj certifikat daje jasne smjernice šta treba uraditi kako bi se uspostavila efikasnija i transparentnija lokalna administracija i ako se nakon tri godine utvrdi da ništa u međuvremenu nije poboljšano nego da je ostalo isto onda se gubi pravo na korištenje BFC certifikata. Ono što treba naglasiti je da se ubuduće odluke koje se tiču privatnog sektora privrede na lokalnom nivou nebi trebale donositi bez njihovog aktivnog učešća, da bi u praksi pokazalo rezultate treba proći neko vrijeme , obzirom da je privčanje investitora stalni posao i da se moraju iskoristiti prednosti koje posjeduje općina a najbolji promotori su lokalni privrednici.

Ad.1.8. **Admir Logo, Koordinator tehničkog tajništva BFC** je pojasnio da je važnost bila dvije godine a sada je tri godine a tokom svake godine ima nadzorna posjeta , vodećeg evoluatora.

Ad.1.9. **Vojislav Ivanović iz RAZ agencije Sarajevo** istakao je i problem koji je išao prilikom anketiranja privatnog sektora sa tri oblasti pitanja : 1. Šta vi mislite o kvaliteti poslovnog okruženja u vašoj lokalnoj zajednici, 2. Šta mislite o kvalitetu komunalnih usluga i 3. Kakve su potrebe za radnom snagom. Općine se često žale da pošalju na 100 firmi a dobiju odgovor od 20 firmi, nigdje nije bio odgovor 50 % posto.

Ad.1.10. **Mujanović Ibrahim**, kad se već spominje privreda, ne sluša nas niko, šta god mi predložimo, ne može. Evo kad smo kod vode i smeća, mi smo stotinu puta pričali neke stvari i tražili ne može jedan prostor od 500m<sup>2</sup> gdje ima dva papira da se plaća po kvadratu odvoz smeća. Mi to uporno pričamo i smijem nam se , kažu vi ste bogati i kako to vas nije stid da to tražite, kažem jesmo ali bio bi i naš radnik bogatiji da nam to umanjite, jer bi ostao kod nas, jer ovako odenam radnik vani iz čitave BiH, to treba lokalna zajednica da shvati i da se sluša glas privrede, treba da se sluša privrednik . Postoji udruženje privrednika koje tačno ima svoje prijedloge i zahtjeve i instrukcije al niko ne sluša. Zbog toga privrednici i odbijaju anketiranje jer smatraju da to nema svrhu.

Ad.1.11. **Predsjednik Privrednog savjeta općine Zavidovići , načelnik Općine Hašim Mujanović**, malo bi ublažio kritični stav, iz razloga što smo mi već neke konkretne mjere poduzeli a primjena tih odluke poduzeli počinju 01.01.2018.godine, obzirom da smo mi ulaskom u mandat započeli saradnju sa privatnim sektorom i upravo na njihove prijedloge i sugestije mi smo i izvršili izmjene i dopune nekih odluka kao odluke o općimskim administrativnim taksama, komunalnim taksama, zauzimanju javnih površina, dakle kroz te tri odluke smo gotovo 50% smanjili opterećenja. Mi smo jutros smo imali sastanak sa nadzornim doborom, skupštinom i menadžmentom JKP " Radnik" Zavidovići oko izrade novog cjenovnika komunalnih usluga , prepoznajemo ove strari, međutim imamo drugu stranu, jedan balast koji je poznat u BiH, a to je da su Javna preduzeća stjecišta možda i nepotrebnog zapošljavanja, ne rade se kalkulativni parametri prema uslugama nego se radi cijena usluge prema broju uposlenika što je suprotno pravilima, dakle mi želimo i taj dio da otvorimo i da ćemo imati novi prijedlog cjenovnika

Ne bih htio da se stekne utisak da ne slušamo i nemamo saradnju , prepoznajemo te stvari i dosta tih stvari je determinisane kroz neka zakonska rješenja višeg nivoa i mi ne možemo uraditi neke stvari koje bi smo objektivno željeli uraditi ,ali svakako jesmo na raspolaganju privatnom sektoru i želimo da postojeći nivo saradnje unaprijedimo i prije svega da privrednici budu zadovoljni a kad su oni bit ćemo i mi zadovoljni.



Ad.1.12. **Mujanović Ibrahim**, mislio sam na dosadašnje vrijeme, a ovo što se u zadnje vrijeme radi je za pozdravit i očekuje poboljšanje i zato je ovdje, ali se izgubilo dosta vremena u zadnjih 20 godina koje se ne može nadoknadit, zato naglašavam.

Ad.1.13. **Admir Logo**, Koordinator tehničkog tajništva BFC, ukratko prošao kroz kriterije  
Prvi kriterij „**Strategija lokalnog razvoja**“, dva su eliminaciona podkriterija  
Općina ima važeću strategiju, koja je usvojena od strane skupštine grada/općine  
Džeraldina Miličević: ima  
Općina je razvila plan implementacije i odredila prioritete projekte  
Vojislav Ivanović stručni konsultant: Malo pojasniti oko ovog.

Drugi kriterij, **Organizaciona jedinica koja je zadužena za lokalni ekonomski razvoj**, jedan eliminacioni podkriterij,

\*Općina je imenovala službenika ili ustanovila organizacionu jedinicu zaduženu za lokalni razvoj

Džeraldina Miličević: Imamo Razvojnu agenciju i unutar službe odsjek i osobu zaduženu za lokalni razvoj, Što je specifično za našu općinu da je Razvojna agencija osnovana u saradnji sa udruženjem privrednika

Treći kriterij, **Saradnja privatnog i javnog sektora**, dva eliminacioni podkriterija

\*Postoji Privredni savjet koji učestvuje u razmatranju pitanja koja se tiču poslovne zajednice i

\*da se najmanje jednom godišnje kao tema na sjednicama privrednog Privrednog savjeta diskutuje o : Plan budžeta i godišnji plan kapitalnih ulaganja; općinske mjere podsticaja privredi/poljoprivredi i zapošljavanju, ukoliko postoje; administrativne i komunalne takse i naknade; prostorno-planska dokumentacija (urbanistički planovi koji se odnose na poslovne/industrijske zone); cijene i kvalitet komunalnih usluga.

Četvrti kriterij, **Građevinske dozvole**, tri su eliminaciona podkriterija

\*Općina ima Prostorni plansku dokumentaciju koja omogućava izdavanje dozvola za gradnju

Džeraldina Miličević: i to smo razjasnili da to ne mora biti Prostorni plan već može i regulacioni planovi, bitno je da je dokumentacija dovoljna za izdavanje građevinske dozvole

\*Općina pruža pisani opis procedure izdavanja dozvole za gradnju, vodič kroz proces izdavanja građevinske dozvole,

Džeraldina Miličević: ima

\*Općina pruža informacije o statusu konkretnog zahtjeva, putem interneta, telefona

Džeraldina Miličević: To ćemo morat uspostaviti, dotjerati i institucijalizovati

Nermin Čahtarević: postoji mogućnost kroz DMS sistem unapređenja i kroz platformu e-matičara,

Peti Kriterij **Postojanje analitičke osnove za podršku lokalnoj poslovnoj zajednici i privlačenje investicija**, jedan eliminacioni podkriterij,

\*Općina ima pripremljen ekonomski profil zajednice sa relevantnim podacima, Obavezni dokument u softver

Džeraldina Miličević: to nije problem

**Šesti Kriterij, Aktivnosti za promociju ulaganja i kvaliteta poslovnog ambijenta u gradu/općini**, dva eliminaciona podkriterija

\*Općina je ažurirala dio svoje internet prezentacije koji se odnosi na uslove poslovanja, postojeću podršku privredi i investicione potencijale u lokalnoj ekonomiji (na lokalnom i engleskom jeziku)

Džeraldina Miličević: ima ali je treba ažurirati, još neki sadržaj ažurirati , objediniti u zasebnu, prostor za razgovor .

\*Općina ima ažuriranu prezentaciju o mogućnostima poslovanja, namijenjenu potencijalnim stranim i domaćim investitorima

Džeraldina Miličević: ima, plus Vodić za investitore koji je objavljen na stranici Agencije

**Sedmi Kriterij, Predvidivost troškova poslovanja i odgovorno upravljanje finansijama**, nema eliminacionih podkriterija ali ima čitav niz vrlo uticajnih kriterija

Džeraldina Miličević: ima sve u Vodiču za investitore, možda pogledati ako još nešto treba dodat

**Osmi Kriterij, Praćenje dinamike lokalnog tržišta rada i aktivan odnos prema utvrđenom stanju i potrebama** , jedan eliminacioni podkriterij ,

\*Općina ima podatke o radnoj snazi (zaposleni i nezaposleni, njihova struktura)

Džeraldina Miličević: Postoji evidencija osnovnih struktura, kvalifikaciona , starosna , statistički podaci -izvještaji,

**Deveti Kriterij , Općina pruža podršku razvoju poduzetništva**, nema eliminacionih podkriterija ali ima vrlo uticajnih,

Džeraldina Miličević: Moramo analiza efekata , recimo za poticaj poljoprivredu možemo pošto se već godinama implementira, ima mjesta za analizu,

**Deseti Kriterij, Adekvatna infrastruktura i pouzdane komunalne usluge**, Jedan eliminacioni podkriterij,

\*Općina ima višegodišnji plan infrastrukturnog razvoja

Almir Mustafić : program Kapitalnih investicija

Vojislav Ivanović stručni konsultant : To bi trebao biti Integralni plan, da se jasno definišu kriteriji, koje treba da usvoji vijeće, kad imamo kriterije pa se formira obrazac koji šaljemo mjesnim zajednicama itd, da načelniku bude lakše obrazložiti zašto je neka zajednica dobila put.

Džeraldina Miličević: U želji da ubrzamo proceduru , planirano da ide u nacrtu, pripremljeni kriteriji, ali su paralelno poslat obrazac koji su otišli mjesnim zajednicama za prijavu projekta, pa će se paralelno ići sa prijedlogom kriterija i projektima, sa prijedlogom bodovanja, tako da Vijeće može usvojiti kriterije i odmah vidjeti da li im odgovara ovaj princip bodovanja, ako ne daju prijedlog i mi već za iduće vijeće imamo i kriterije i projekte bodovane po tom prijedlogu.

Došlo je dosta projekata, nema šanse sve isfinansirati, svi su našli umjesto u Planu kapitalnih investicija ali rangiranje će pokazati opravdanost. Bilo je dvoumljenja oko praga visine projekata, kroz iskustva drugih općina ostavljen je prostor i za vanjski izvor finansiranja,

Urađen je i Katalog projekata javnog partnerstva, preko Kantona , prioritetni projekti koji su višemilionski i za koji općina nema sredstva , nije moguće kako sada stvari stoje obezbijediti sredstva iz vanjskih izvora finansiranja , zato se našla neka mogućnost kroz projekte javnog privatnog partnerstva , definisali kao javnu uslugu i prenijeli na privatnog partnera , neka kombinacija ali u principu zadovoljava ono što se traži.

Pomoć pogotovo oko ankete, okupiti set pitanja koji će pokriti sve oblasti i sklopiti u jednu anketu.

**Admir Logo** Koordinator tehničkog tajništva BFC: Pošto je ovdje Privredni savjet da ukratko pređemo i neke stvari vezane za njegov rad:

\*Privredni savjet da 50% predstavlja poslovnu zajednicu

Džeraldina Miličević: kod nas je 50%

\*Sugestije Privrednog savjeta da se uzima u obzir prilikom donošenja relevantnih Odluka na lokalnom nivou,

Džeraldina Miličević: Da se za sljedeći sjednicu Privrednog savjeta pripremi izvještaj šta je urađeno po svim prijedlozima i zahtjevima za izmjenu odluka u saradnji sa Sekretarom,

\*Sastancima privrednog savjeta da se diskutuje o rezultatima anketiranja privrede i aktivnostima u vezi sa tim rezultatima, Općinski zvaničnici se periodično sastaju sa predstavnicima lokalne poslovne zajednice sa ciljem da zajednički rješavaju bitna pitanja/probleme od općeg značaja za građane i privredu. Općina ustanovila je "dan otvorenih vrata" za poduzetnike (mala privreda), najmanje jednom u tri mjeseca i općina podržava razvoj poslovnog okruženja.

Načelnik općine Hašim Mujanović: do sada je bio četvrtak ali je sada je svaki dan, kad je potreba nema potrebe za najavljuvanje.

Izet Bašić: U daljem vođenju poslova, Kriterij pod brojem dva koji se odnosi službenika ili ustanovila organizacionu jedinicu koja je zadužena za lokalni ekonomski razvoj zaduženo, to mora biti čovjek koji će biti vezan taj posao, sposoban koji to radi koji neće biti opterećen drugim stvarima, bitan segment da bi dobio certifikat. Iskustva govore iz prošlosti, razvojna agencija jedno vrijeme radila pa jedno vrijeme nije radila, iz raznoraznih razloga, a to značajno odrazi na mnoge stvari

Ibrahim Mujanović: mi to u privredi lako riješimo, prosta stvar, platiću te radićeš to, ako je to od interesa za općinu ima da se plati, ima da se radi i kontroliše, ko god je nagrađen od će sigurno raditi, kome se naturi neće.

Načelnik: Dijelom otišli od teme, ovo je možda trebalo pod tačkom razno, da se vratimo na upoznavanje privrednika i građanstva na prijedlog Budžeta za narednu godinu, u budžetu za 2017. godinu nismo uspjeli sprovesti formiranje Biznis servis centra i ureda za dijasporu, plan je za ovu godinu i nadam se da će do toga doći do njegove uspostave koji će biti okosnica svih ovih aktivnosti, kad je u pitanju za konkretno zaduženje, to je zadatak Sekretara državne službe da napravi sistematizaciju, da se radna struktura prilagodi uslugama BFC, se uspostavi funkcionalna unutrašnja struktura radnika.

Vojislav Ivanović stručni konsultant: malo o iskustvima osobe zadužena za saradnju sa privrednicima, da privrednici znaju da je to prva osoba kojoj će doći u općinu. Da privrednici i administracija zna koja je to osoba. Osoba koja će koristiti autoritet načelnika, načelnik je poduzeo neke aktivnosti i prije početka ovog procesa i nadam se da ćemo uspješno sprovesti proces do kraja, ovdje se već radi konkretnim koracima.

Dedić Mirsad: pitanje kako je raditi u općinama gdje nema i gdje ima kantona, koliko je teža uspostava BFC tamo gdje nema kantona, razlike između RS i Federacije,

Vojislav Ivanović stručni konsultant: Znamo za probleme kantona, i lakše je tamo gdje nema kantona, preskače se jedan nivo, ali je ovo proces za lokalni nivo.

Dedić Mirsad: istakao problem Prostornog plana gdje općina nešto neće a kanton to nameće-traži, Prostorni plan stavlja se u neki bđak, kantoni nisu posvećeni istim problemima kojim smo mi posvećeni i oni njih ne osjete, primjetno je da u zadnje vrijeme kantoni preuzimaju uticaj, sve manje oblasti ostaje na lokalnim zajednicama.

Muharemović Halil: Govorio je o svojim iskustvima u proteklim godinama, da općina ima sofisticirane pojedince u administraciji čije znanje nije bilo dostupno privrednicima u

proteklom periodu, dao je primjer stranog ulaganja italijanskog investitora prije 10 godina koji je dolazio i bio spreman uložiti u saniranje otpada da je otišao i sad se opet vraća, na

Tražio je da se više pažnje posveti lokalnim privrednicima a ne dan nam dolaze svake godine po 5-10 privrednika uzimaju sredstva i odlaze , dajte taj BFC za domaće snage za domaće okruženje, govori o stočnoj pijaci iz 1996.godine imamo otkup kože, 10 ljudi uposleno, dolazi Federalna inspekcija koja zabranjuje, šta se dešava otvara općine Tešanj i ljudi postaju milioneri, dao primjer tržišnih centara sa strane, uzmete na primjer pojedine projekte pojedine podsticaje imali smo fin konkurs za podsticaj privredi , kaže nedovoljno projekata nedovoljno aplikacija, a ja se došlo informisati prije ovog dali treba za prijavu projekat-biznis plan, kaže nema potrebe. Za sve ovo što kažete imamo domaće investitore , koji imaju sredstva koji se mogu upotrijebiti ,uz pomoć domaće administracije, za koju i dalje tvrdimo da je visoko sofisticirana. navodi primjer općine Žepča gdje je otišao u katastar gdje nemaju ništa, moraš poseban zahtjev podnijeti , nemaju običnih nacrti , kad dođem ovdje kod nas sve ima.

Svedite ovo treba da bude stvar dijaloga, sve će funkcionisati ako se otvorite prema nama domaćim privrednicima. Biznis servis centar i ured za dijasporu, mi smo odmah spremni ured za poljoprivredu staviti u dežuru otvoriti i dva čovjeka zaposliti da rade za poljoprivredu, često se ne gleda, ranija razvojna agencija sretao ljude sa 10 projekata kažu radila razvojna agencija urađemo naplaćeno a ništa. Krajnje vrijeme da se nešto uradi. Opet naglasio na kraju problem odvoza smeća po kvadratu.

Elvir Starčević, kao lokalni mikro plana lokalne zajednice , bez medija nema dobre priče, više puta mu tražili sa pod navodnike „velikih medija“ informacije o negativnim stvarima iz Zavidovićima , što tjera investitore iz naših prostora. Smatra da imamo domaće privrednike koji mogu popraviti i unaprijediti razvoj općine.

U nastavku je govorio o Sinergiji nekih kapaciteta koji postoje, primjer mjesnih zajednica, nemaju zajedničke projekte iako se tiču istih problema, primjer prolaska putve kroz više mjesnih zajednica, kapacitet voda, parcijalno rješavanje umjesto da se rade zajednički projekti.

Konkretno je pitao za primjere drugih lokalnih zajednica sa BFC certifikatom, ekstra pozitivnih i negativnih primjera kao vodilju aktivnosti koje treba provesti u budućnosti.

Vojislav Ivanović stručni konsultant : BFC certifikat i treba da više omogućiti domaće ulaganje, strani investitori su dobro došli a li je veća šansa da lokalni privrednici će prije uložiti i razvoj lokalne zajednice. Naveo je primjer prodaje Unicoma filtera iz Tešnja, i probleme prodaje Njemcima. Postojećim privrednicima treba omogućiti bolje uslove. Naveo je grad Prijedor, kao dobro mjesto, načelnik bio naklonjen investitorima. Uvijek mora biti sve u skladu sa Zakonom. tamo gdje nema podrške načelnika tamo teže ide, efekti u promjeni sistema nema, dobije se Certifikat , bolje ići sistemski al sporije. Ovdje se više ne vjeruje na riječ, sistem se uspostavlja polako, traži vrijeme i trud, ovdje se vidi želja načelnika, konkretna djela i nadam se da ćemo uspješno proći proces.

Admir Logo, Koordinator tehničkog tajništva BFC: Negativnih primjera ima dosta , 40% općina koje su se prijavile nisu prošle, pozitivni primjeri Jablanica i Posušje u Hercegovini. Drago nam je da smo pozvani na Privredni savjet danas i da se čuje sve pozitivno i negativno da se upozamo sa svim.

Načelnik: Volio bih da ovo dođe do vjećnika , može načelnik biti sjajan, imati dobre ideje, planove , planove i programe međutim kada se dođe do općinskog vijeća nastaje druga situacija, gdje se načelnici nemaju većinu, ili glasa razuma, teško prolazi i na kraju načelnik bude devalviran, nadamo se da ćemo u našem vijeću imati razumijevanja , mi alternative nemamo , niko sa strane neće doći i riješiti naše probleme , pitanje privrednog sektora, pitanje zaposlenosti. Ono što jeste naš problem jesu viši zakonodavni i izvršni organi gdje jednostavno mora djelovati cijeli sistem da bi efekat bio potpun.

Sjednica Privrednog savjeta završena u 13:15 sati.

ZAPISNIK SAČINIO

  
Senad Huskanović

ZAPISNIK OVJERAVA PREDSEDNIK  
PRIVREDNOG SAVJETA

mr. sci. Hašim Mujanović



